

(ciep geiz gong)

Daengz sam nyied co miz ngoenz ndeu, dingqnyi naeuz de bingh lo. Gou caeuq doengzdoh bae yihyen yawj de, seizhaenx, de gangj vah mbouj ok, raen gou le cix cengqgengz yaek gangj vah, gou boemj rwz depgyawj aenbak de, caenh dingqnyi “canh……ga……”, “canhga?” Gou dingq mbouj rox de siengj gangj gijmaz, hoeng gou sikhaek couh siengj daengz bonj saw neix. “Canhgauj”? Gou naemj, aenvih duenhgonq gou caeuq de lwnh gvaq gij saw canhgauj bonj saw neix, couh naeuz “gij saw canhgauj?” De ngaek gyauej dedded. Seizhaenx gou raemx—da yaek conh lo, hoeng cix nyaenx dwk naeuz: “Mwngz cuengqsim, gou rox lo, mwngz gaej you, raeuz gig vaiq couh ndaej doeg bonj saw neix……”

Ma daengz hagdangz, gou cix simfouz simcieg, sikhaek dwk dienh—vah hawj boux fucwz oksaw, cam de bonj saw neix seizlawz cij ndaej okdaej, gou lau Vuz lauxsae mbouj ndaej raen bonj saw neix……

Daengz seiq nyied ndawcib, Vuz lauxsae bingh haemq ndei di, ndaej ok yihyen ma ranz lo. Seizhaenx, gou bae



Baekging beizyin, seiq nyied daej ma daengz Nanzningz, bonj saw neix dauqdaej ndaej cuzbanj lo.

Gou baez ndaej saw ma, daih’ it gienh saeh couh dawz saw bae ranz Vuz lauxsae, byawz rox bingh de dauqfuk, gaenq bae Nanzningz louz—yih, gou couh gyau saw moq hawj dahlwg de. Ngoenz daihngaih gou caeuq doengzdoh bae Nanzningz yawj de, de gaenq byom haujlai,

cengq hai da yawj dou baez ndeu, gaemfwngz dou le youh unqnemnem laep da lo, gangj mbouj ndaej vah, dou gangj de lij dingq ndaej. Gou naeuz bonj saw raeuz caez sij haenx, gaenq ndaej cuzbanj lo, deq mwngz ndang haemq rengz di couh ndaej doeg lo. De muengh gou, ngaekgyaeuj, naiqnuek—nuek, lumj ninz mbouj gaeuq nei youh laepda ninz lo.

Gou gig simsenz, Vuz lauxsae

bingh dwk gangj mbouj ok vah seiz, lij yousim bonj saw neix, de mbouj cuengqsim geijlai. Daengz de haemq ndei di ma ranz, gouj cix mboujmiz seizgan bae yawj de, laihnaeuz de rox ciemh ngoenz ciemh ndei lo, yienghneix gou hix mbouj you lo. Hoeng daengz doeklaeng, bonj saw neix oksaw seiz, de lij youq, hoeng cix caengz ndaej doeg gvaq saek mbat. Seizneix, cix ciengxlwenx biek raeuz bae lo……

Vuz lauxsae ha, ciuh vunz mwngz daiq baeg lo. Mwngz betcib doxbae cix mbouj rox baeg, lij gaenx aeu Sawcuengh sij faenzcieng, caemhcai q yied sij yied mizyinx. Gou boiqfug mwngz, gou gingqgyaez mwngz, gou engqgya ienq gou swheij. Dangh—naeuz bonj saw neix caiq caeux saek cib geij ngoenz ndaej soengq daengz ndaw fwngz mwngz, mwngz ok yihyen ma ranz seizhaenx couh ndaej doeg lo……

Daiq laeng lo! Seizneix, youq gizneix, gou caenh muengh mwngz youq baihaenx an’ onj, ndeindei yietbaeg ba!

(sat)

Doengzhag Donhciuh Cingz

同学半世情

□Laoz Hao' gvaogb/蓝汉光

Mbwk:Nuengx baenz aen ronghndwen, Cuenq gyangbiengz vangvang; Miuzcin va yaek sanq, Yienghlawz suenq cix ndei.

Laeb miuh mbouj bouxdaeuz, Rox bae gyawz coemh yieng; Nuengx baenz aen ronghndwen, Cuenq gyangbiengz vangvang.

Dauq cam beix vunzlungz, Ei mwngz yienghlawz gangj; Miuzcin va yaek sanq, Yienghlawz suenq cix ndei.

Sai:Caez coq bwnh roengz naz, Daemzmiuz va hoengh hai; Daengq nuengx gaej doeknaiq, Va baih lij miz aen.

Lajdin caij roeggyumj, Lij bae naemj gijmaz; Caez coq bwnh roengz naz, Daemzmiuz va hoengh hai.

Gaej ienq deih ienq mbwn, Cin daengz vah youh hai; Daengq nuengx gaej doeknaiq, Va baih lij miz aen.

Mbwk:Ngoenzneix nuengx souh vei, Mbouj meiz(miz) bouxlawz bang; Langh beix miz sim ganq, Saet nanz daeuj saek haemh.

Nuengx bwh laeuj bwh caz, Ndae raennaj cix ndei; Ngoenzneix nuengx souh vei, Mbouj meiz(miz) bouxlawz bang;

Rumzdoeng gauj begloh, Va oq lij geij nanz; Langh beix miz sim ganq, Saet nanz daeuj saek haemh.

Sai: Nuengx sinhoj gou rox, Simgyoh hix nanz bang; Gag boux youq gag ranz, Yienghlawz bang ndaej nuengx.

Hoz goj siengj bae cunz, Lauheiq vunz diemj coh; Nuengx sinhoj gou rox, Simgyoh hix nanz bang.

Beix siengj langhfwed mbin, Lajdin youh miz vangj; Gag boux youq gag ranz, Yienghlawz bang ndaej nuengx.

(7)

Guh hong ndaej ndwen le, Veiz Gozcingh ciuq gij gyoeblnh daihgya caeuq gij cingzgvang de gag liujgaij ndaej haenx, youq baez hoih bencangj gwnzde naeuz: “Yawj gij cingzgvang seizneix raeuz aeu ndaej haenx, gij ganbu Liengzdungz daih dingzlai dwg vunzndei roxnaeuz gihbwnj dwg vunz—ndei, miz dingzniox famh gvaq loek, hoeng hix mbouj ndaej gangj gyoengqde dwg vunzvaih, raeuz aeu doenggvaq bihbingz son’gyauq, bae gouq gyoengqde. Gij vunz fanzdwg ginghci miz vwndiz haenx, aeu cagaenj caz de, loengh seuq vwndiz, caenhvaiq gietanq. Hai hoih baebuenq gij ganbu famhloek haenx, itdingh aeu baij saehsaed, gangj dauhleix, mboujcinj dub vunz. Gyawz dub vunz nei, couh aeu fad gunghcozdui.” De iugouz, daj haeujdiemj suenq hwnj, aeu ceng ndaej youq song sam ndwen ndawde “gaijfang” ganbu

okdaej, cienj haeuj gak hangh hongsaeh bae guh hong.

Miz boux ganbu heuh guh Vangz Sihgaih, doenghbaez de cawjguenj Yiuzciengnvax Dadungz, youh guenj ngaenz youh guenj ciengq, vunzungq byoengq coih damngaenz de. Gunghcozdui baengh vunzungq, ginggvaq cobouh cazsoq, miz 21 bit soq mbouj cingcuj, ngaenz lai baenz 5000 lai maenz. Veiz Gozcingh raen ngaenz baenzlai, dwg

caen dwg gyaj, ndawsim mbouj miz daej, cix daj ndaw gunghcozdui cou seiq boux ganbu miz gingniemh haenx okdaej, gyoebbaenz aencuj—saeq cienanq baez bit baez bit bae fukcaz. Aencujsaeq cienanq neix ginggvaq sijsaeq diucaz, caz ok Vangz Sihgaih cawx fwnz cau le feigyaj. Lumjnaeuz mbaw fei lingx—aeu ngaenz fwnzcoengz 80 maenz he, gwnzde gaep miz aen yaenq Vangz Ciyingh Mbanjhozfuh Gih

Cwngzsiengh he, aencujsaeq bae ra deng Vangz Ciyingh, de mbouj nyinh bonjfaenh lingx gvaq gij ngaenz haenx, aenyaenq caeuq aenyaenq gwnz fei caemh mbouj doxdoengz. Youh lumjnaeuz miz mbaw fei raiz miz Ningzvuj Gih Liengzsinh Gunghse Luz Youjgvangh gai fwnz 5420 gaen, geiq ngaenz 162.6 maenz he. Hoeng yiuzciengnvax coengzlaiz mbouj bae gizde gai fwnz gvaq.

(caengz sat)

Veiz Gozcingh Sangcieng Cawj—guenj Guengjsae Ngeihcib Bi

韦国清上将主政广西二十年

□Hoz Saubangjsii Cioz Siengzcoub Liuz Gingliuj Cioz Siengzzen boiz